

Nda cati seŋŋa nder yimre nde– Mallu Hamaseyo Girei yusbi wi’eteende:

Yimre Seyo

1. Baytuuji njuurake berde nde humtanaa ma yela,
Allaahu yettaama jalla jalaaluhuu wa’alaa.
2. Nde ronni Lamiido Musdafa leeso laamu Yaman,
O laati misbaahu men nurdyado nder ‘Yoola.
3. Dum foodanimmi nashaada mi yusba yimre seyo,
Mi seyrano kudbu Fommbina sheyhu men ‘Yoola.
4. Yaa yimbe galluure ‘yoola he wonbe yaasi wuro,
Seyorenma laataaki Musdafa lamdo men ‘Yoola.
5. Kudbuure men he Yaman tiigorde men he zaman,
Mo bangrotooden saman nder lesdi men ‘Yoola.
6. En kebti Lamiido Fommbina Abba sheyhu me’en,
Mo demde men seedataa ‘yewnaago kaddi walaa.
7. To jabbi fe’aama kankini deppitoyta daro,
Wilirre sawto mu’um jaaranki farku walaa.
8. Bii nyiiwa kam nyiiwa laatoto sirgu bo danyata,
Faatuuru faa abadan he mbarooga moobo kalaa.
9. Fado baaba dum biddo faddoto yaaba batto daro,
Misaalu mum he dabii’a e hal walaa to selaa.
10. Anndoygo kandi di laamu he kaa’idaaji mu’um,
Dum kaaya mon daga naane tawaado nder ‘Yoola.
11. On tiggi Puusuuje Fommbina seedanaabe bural,
Nder laambe lesde yo non laamiibe nder ‘Yoola.